

## Rapport dalla sessiun dil cussegl da vischnaunca dils 14-11-2016

### Tractanda 1

### Approbaziun dil protocol dalla sessiun dils 17-10-2016

Il protocol dalla sessiun dils 17-10-2016 vegn approbaus en votaziun unanima cun engraziament.

### Tractanda 2

### Elecziuns dil biro cussegl dil cussegl

Per igl onn d'uffeci 2017 vegnan las suandontas persunas elegidas:

- a) President dil cussegl:  
Donat Albin
- b) Vicepresident dil cussegl:  
Beat Pfister
- c) 2 dumbravuschs  
Adrian Maissen  
Mario Lechmann
- d) 2 suppleants da dumbravuschs:  
Marcel Flepp  
Ursina Schmed
- e) Actuara:  
Sandra Gautschi

### Tractanda 3

### Preventiv 2017

Il preventiv dil quen current 2017 siara cun in deficit da frs. 253'820.- suenter haver fatg tier la facultad administrativa amortisaziuns ordinarias en l'altezia da frs. 398'500.-, remess el fondo da meglieraziun frs. 60'000.-, el fondo da canalisaziun frs. 3'000.- e priu ord la finanziaziun speciala dil provediment d'aua frs. 6'000.-.

Il gudogn avon amortisaziuns munta à frs. 201'680.-.

Las impurtontas posiziuns el preventiv d'investiziuns secumponan ord:

620.501.17	Sanaziun da vias communalas	frs.	200'000.00
620.501.20	Sanaziun via Pendas	frs.	150'000.00
620.501.32	Sanaziun via Principala	frs.	272'000.00
624.501.01	Illuminaziun via Principala	frs.	77'000.00
710.501	Investiziuns canalisaziun communalas	frs.	198'000.00
817.501.13	Project Via Munt	frs.	700'000.00

**Il cussegl decida cun 13 : 0 vuschs ed ina abstenziun da proponer per mauns dalla radunonza da vischnaunca d'approbar:**

- il preventiv dil quen current che siara cun expensas da frs. 7'363'250.- ed entradas da frs. 7'109'430.-, pia cun in deficit da frs. 253'820.-.
- il preventiv dil quen d'investiziuns che siara tier expensas da frs. 1'742'000.- ed entradas da frs. 665'000.- cun in surpli d'expensas da frs. 1'077'000.-

#### Tractanda 4                      Fixaziun dil pei da taglia per igl onn 2017

La suprastanza communal e la cumissiun da gestiun han examinau ils fatgs ed ein digl avis da restar per igl onn 2017 sin in pei da taglia da 105%.

Il cussegl propona cun 14 : 0 vuschs per mauns dalla radunonza da vischnaunca da fixar la taglia communal per igl onn 2017 sin 105% dalla taglia cantunala sempl.

#### Tractanda 5                      Lescha davart il parcar sin territori communal

La cumissiun predeliberonta ha presentau a caschun dalla sessiun dil cussegl da vischnaunca dils 25 da fenadur 2016 lur proposta per ina lescha davart il parcar sin territori communal. Suenter la debatta d'entrada ha il cussegl da vischnaunca decidiu cun 7 : 4 vuschs ed ina abstenziun da buc entrar en tractanda.

Sin fundament dils resuns dil cussegl da vischnaunca ha la cumissiun predeliberonta surluvrau la lescha da parcar. Suandonts artechels ein vegni adattai:

##### **Artechel 3**

Alinea 2 ei vegnida adattada aschia che vehichels motorisai da duas rodas sco p.ex. mopeds e töfs han da pagar negina taxa da parcar. Da pagar la taxa da parcar han denton agregats e carannex.

##### **Artechel 6**

Las taxas ein vegnidadas adattadas da frs. 400.00 tier la taxa per in onn sin frs. 300.00, da frs. 250.00 per in miez onn sin frs. 160.00, da frs. 50.00 per in meins sin frs. 30.00 e la taxa per in'jamna ei vegnida adattada da frs. 25.00 sin 20.00.

Il cussegl da vischnaunca approbescha la lescha davart il parcar sin territori communal dalla vischnaunca da Trun cun 9 : 3 vuschs e duas abstenziuns e decida da suttametter quei conclus tenor art. 30, lit. b dalla constituziun communal alla votaziun all'urna.

#### Tractanda 6                      Pusseivladad da tschentar damondas

Dalla pusseivladad da tschentar damondas vegn fatg diever.

#### **Per il cussegl da vischnaunca**

Il president  
Kurt Wolf

L'actuara  
Sandra Gautschi